

大生要旨

午 32

9



同治庚午孟冬重刊

上海唐桐園先生原本

大生要旨

星沙江夏堂藏板



北京中医药大学图书馆版权所有

同治壬申
長
江
水
師
軍
署
刊

板存南門三坊巷
口樊榮桂刻字店



序

唐君桐園鈔著大生要旨

真濟世之名方救時之良法也

余心佩之久矣板藏湖州永新

歲在庚申竟適兵燹此板一失

此書必不傳余不忍坐視遂



南京中医药大学图书馆版权所有

竭殫力重付梨棗俾昔人不
費生苦心而今人亦是生
命也矣

皆

同治九年歲在庚午孟冬月

星沙江夏堂黃重刻



南京中医药大学图书馆版权所有

天地之大德曰生然得遂其生者固
十之八九其不得遂其生者亦十之
一二子每見世之乏嗣者或求而弗
生或生而弗育非不廣徵醫藥而求
効寥寥則亦醫術疏而方藥悞之也
大生要旨一書立方不求奇異用藥
務擇中和而尤以節慾保身爲第一



北京中医药大学图书馆藏

可謂探本窮源遵其教者年壽可延
又何患繼嗣不廣耶惟是集盛行江
浙皖鄂而湘省尚無傳書余既得善
本重加校對付之手民但家藏一編
論證揀方庶不致爲醫藥所悞矣
同治庚午年孟冬月重刊
星沙黃翼升昌岐書於金陵節署

序

大凡人生天地間當思有所補於世而思有補於世不必其擁厚資登要職得所憑藉而始是有爲也苟存有濟人利物之念雖在寒賤可隨分以自見昔孔子與端木_子論仁祇論心不論功良以心可盡而功不可盡云爾然或有時以心之所結發而爲言言果善矣厥功自著是故傳稱立言與立功並堪不朽若今海上唐君桐岡非好立言者因有得於心而欲公諸世著大生要旨教蒙楷式二

書可謂有立人達人之心矣此其有補於世不小
而爲功也殊遠自予來流菊泉間其名藉甚嘗以
喘疾延唐君治治輒愈歷數載於茲知其醫有根
柢通徹乎昔聖賢之所傳方書奧旨而非世俗庸
流之勉強診病者可同日語今年夏唐君始出此
二書以請序於予予素不爲序又不通醫而重違
其請且深體唐君之爲人謀嗣續與教小子都詳
賡有法信是書之必傳無疑而爲仁者之術也爰
草數行以弁諸簡端至唐君之家風品格學問文

章足可推重一時原序已詳之矣予可以不贅
賜進士出身奉政大夫管寶山縣事年家眷弟李長
青拜撰



南京中医药大学图书馆版权所有

大生要旨



序

唐君桐園所著大生要旨既流布海內矣今又輯教
蒙楷式哀而合之名曰植導二書俾予序其簡首予
才識謏劣何足以里俗不敏之辭序桐園之書哉然
受而讀之保胎產者植之既精教幼學者導之甚詳
既卒業而深歎桐園之書爲可傳也憶數年前桐園
自海上來以善醫聞於時爲人更樂施坦易不肯飾
車馬盛徒御時其人病之緩急而邀却金帛以爲利
雖甚寒暑亦無不與人治療故吾膠人士率愛而歸

之予嘗出游四方歸必造其寓廬凡宗彝鼎洗書圖
玩好之物每相與披剝其工竄真贗爲笑樂令予方
在牛角出而掘衣肅拜儼然視予若執丈行者桐園
長於予幾二十年矣與予稱忘年交予不敢當令予
禮而令子隄行隔坐恂恂唯謹即其所課經書則
琅然如瓶水之瀉地則植之之方世固久已知之而
導之之術其行之於家庭而驗者予知之尤稔也嘗
見今之言種子者雜取房中之書坎離龍虎之說自
詭秘方以媚惑人世又見里巷兒童捕鳥雀踴虎子

瓦礫奇蟲競爲玩弄則植之之方既謬而導之之術
奚施於是益知桐園之書爲可傳也然吾聞
仁巖先生以宿德重望司鐸白下得古師儒教士之
法桐園幼稟庭訓其遺言緒論倘能輯而成書如予
之道不足以御氣性不足以勝習得其書而讀之是
猶起病者以參苓也予雖謏劣尙思操筆而挂氏名
於卷端矣乙酉夏日嚶城汪景龍拜書於三十六峯
草堂

二八三

卷一

四



序

從來良方之傳播古今來專門名家著書立說浩如
淵海其簡明者如達生編保產機要等書已風馳海
內卽或附於善書之後或僅傳片紙之珍人人莫不
奉爲至寶惟上海桐園唐君所著大生要旨一書其
講明於有生之先調護於有生之後真濟世之名言
救時之良法也惜其書不多得厥後古歙江怡谷重
刊之近時江夏姚和亭又重刊之然坊間迄無是書
則流傳仍不廣余竊愛是書之立言醇立功鉅爰立

志重刊之俾得家有其書亦足傳昔人之苦心而達
今人之福命也乃命姪孫淑芳校對無訛至於精究
之精方藥之妙李汪二原序已詳言之余不贅述焉
咸豐二年歲次壬子荷月烏程朱兆傳序於生綠草
堂